

SIARAN MEDIA

YB STEVEN SIM RASMI JUALAN MADANI RAYA BUKIT MERTAJAM, AYAM RM4 SEEKOR TARIK PERHATIAN PENGUNJUNG

BUKIT MERTAJAM, 15 MAC – Kementerian Pembangunan Usahawan dan Koperasi (KUSKOP) terus memperkukuh komitmen dalam meringankan beban kos sara hidup rakyat menerusi penganjuran Program Jualan MADANI Raya (PJMR) 2026.

PJMR edisi Aidilfitri 1447H ini, yang berlangsung selama dua hari (14 dan 15 Mac) di Pekarangan Pusat Khidmat Ahli Parlimen Bukit Mertajam, telah dirasmikan oleh YB Encik Steven Sim Chee Keong, Menteri Pembangunan Usahawan dan Koperasi.

Melalui program ini, orang ramai berpeluang mendapatkan barangan asas seperti beras, minyak masak, tepung, ayam, daging dan telur, selain keperluan Aidilfitri seperti kuih raya, kerepek, ketupat dan rempah ratus pada harga lebih berpatutan.

Dalam ucapannya, YB Steven Sim Chee Keong menegaskan bahawa PJMR bukan sekadar program jualan, tetapi juga sebahagian daripada usaha KUSKOP bersama Suruhanjaya Koperasi Malaysia (SKM) untuk memperkukuh peranan koperasi sebagai operator jualan yang berdaya saing serta lebih dekat dengan komuniti.

YB Steven Sim Chee Keong turut mengumumkan jualan *Happy Hour* dengan potongan harga istimewa sehingga 30 peratus, termasuk ayam segar pada harga RM4 seekor khusus untuk pengunjung yang hadir. Selain itu, harga daging turut diturunkan kepada RM23 sekilogram bagi membantu orang ramai membuat persiapan Hari Raya Aidilfitri dengan kos yang lebih rendah.

Program ini turut dimeriahkan dengan sesi edaran bubur lambuk YB Steven Sim Chee Keong kepada pengunjung dan petugas jualan serta cabutan bertuah berupa barangan elektrik dan basikal kepada pembeli yang bertuah.

Penganjuran Program Jualan MADANI Raya (PJMR) selari dengan nilai kesejahteraan dalam aspirasi Malaysia MADANI yang mencerminkan komitmen kerajaan dalam memastikan rakyat dapat membeli barangan keperluan asas pada harga berpatutan di samping membantu mengurangkan tekanan kos perbelanjaan khususnya semasa membuat persiapan perayaan Aidilfitri.

Sejak diperkenalkan pada tahun 2022, inisiatif strategik ini telah merekodkan nilai jualan terkumpul melebihi RM5 juta dan memberi manfaat langsung kepada 417,816 pengunjung di seluruh negara. Inisiatif ini selari dengan pendekatan Kerajaan MADANI yang menekankan konsep “RAHMAH” dalam membantu mengurangkan beban kos sara hidup rakyat, khususnya golongan B40 dan miskin tegar.

Hebatkan Perniagaan Malaysia!

KEMENTERIAN PEMBANGUNAN USAHAWAN DAN KOPERASI

15 MAC 2026

MENGENAI KUSKOP

Kementerian Pembangunan Usahawan dan Koperasi (KUSKOP) merupakan kementerian yang bertanggungjawab mewujudkan ekosistem keusahawanan yang holistik dan kondusif bagi menyokong pembangunan sosioekonomi negara yang inklusif, seimbang dan mampan. Fungsi utama KUSKOP adalah menetapkan hala tuju pembangunan keusahawanan negara dan membudayakan nilai serta minda keusahawanan dalam masyarakat Malaysia.

Agensi - Agensi dibawah KUSKOP

BIL	AGENSI	FUNGSI
1.	Suruhanjaya Koperasi Malaysia (SKM)	Agensi pembangunan dan kawal selia sektor koperasi
2.	Institut Koperasi Malaysia	Institut latihan bagi pembangunan dan pendidikan koperasi
3.	SME Corp	Agensi pembangunan Perusahaan Mikro, Kecil Sederhana (PMKS)
4.	TEKUN Nasional	Agensi pembiayaan mikro dan perkhidmatan sokongan keusahawanan
5.	Institut Keusahawanan Negara (INSKEN)	Agensi pembangunan kapasiti keusahawanan
6.	Bank Rakyat	Institusi kewangan yang menyediakan skim pembiayaan keusahawanan dan Perusahaan Kecil Sederhana (PKS)
7.	SME Bank	Institusi kewangan pembangunan bagi perusahaan kecil dan sederhana
8.	UDA Holdings Berhad	Agensi pembangunan hartanah dan pengurusan aset
9.	PERNAS	Agensi pembangunan industri francais
10.	Amanah Ikhtiar Malaysia	Agensi pembiayaan dan fasilitasi keusahawanan kepada golongan berpendapatan rendah